

福建通志

第玖拾肆冊
烈女傳

福建列女傳卷一

自來通志之傳列女專重貞烈其餘賢淑閨秀偶及一二而已今仿劉向列女傳分類而稍變通焉一母儀一賢明三仁智皆仍之四貞順之貞五節義之節併爲節烈增節義之義爲孝義以孝女孝婦未有所歸也六辯通仍之劉傳小序云文辭可從故有文學者歸焉七孽嬖仍之六者足法其一足戒也

母儀一 唐

貞獻皇后蕭氏福建人穆宗爲建安王時后入十六宅爲侍者生文宗册爲妃文宗立上尊號曰皇太后初后幼因亂去鄉里父母已喪有母弟一人自是不通家問文宗以母族鮮親詔閩越連帥訪求之俄有戶部茶綱役夫蕭洪因后姊女壻呂璋白見之太后謂得眞弟悲不自勝文宗拜洪金吾將軍出爲河陽三城節度使稍徙鄜坊先是節度自神策出者舉軍爲辦裝因三倍取償洪所代未及償而死軍中併責償於洪洪不許左軍

中尉仇士良憾之會聞有男子蕭本又稱太后弟士良以聞自鄜坊召洪
下獄按治乃代人詔流驪州不半道賜死然太后眞弟庸輒莫能自達本
給得其家系士良王之遂聽不疑歷衛尉卿金吾將軍會福建觀察使唐
扶上言泉州男子蕭弘自言太后弟御史臺叅治非是昭義劉從諫又爲
言請與本辯自詔三司高元裕孫簡崔郃雜問乃皆妄本流愛州弘詣州
而太后終不獲第初太和中懿安太后居興慶宮寶曆太后居慶安殿后
居大內號三宮太后帝每五日問安武宗卽位供養彌謹徙居積慶殿號
積慶太后會昌中崩諡曰貞獻

舊唐書
新唐書

母儀二 宋

盧氏仙遊人蔡琇妻襄母襄爲講官時仁宗遇之甚厚嘗曰有子如此其
母之賢可知賜冠帔以寵之萬安橋之建出自母志而襄成之年九十封

長安郡太君

道光
通志

黃氏福清人父倫仕閩越黃氏嫁同縣林氏爲尙書屯田員外郎某之妻

有子曰樂爲太常博士集賢校理有孫八人曰希宣州涇縣主簿編校集賢院書籍曰旦明州象山縣令曰邵杭州南新縣令曰顏許州臨川縣令曰稽曰雄未仕也其二人早卒有曾孫十二人曰睿處虞虞處膚據處其三人亦早卒黃氏年七十有七治平四年卒於京師初其子旣就學黃氏常夜治絲枲居其旁以勉之至其後其子遂以文學名天下旣而其子不克壽屯田府君亦卒于官諸孫皆幼黃氏已老矣乃棲吳郡斥賣簪珥以經理其家絲蓄粒聚至有田以食有宅以居平居日夜課諸孫以學有不中程輒朴之及長遂多知名連以進士中其科涇縣復校書世其父職黃氏乃顧諸孫謂曰吾始得事祖姑今得弄曾孫遂保有汝家起於旣墜吾老且死不恨矣

曾文定公集

曾氏晉江人侍御史王平妻也祖穆殿中丞父會尙書刑部郎中集賢殿修撰曾氏旣嫁夫家貧夫死寓食於穎以勤儉積日大其家以誘教不倦成其子子五人回向固同罔皆有學行回有道爲儒宗向罔尤有文三人

皆身在隱約而聲震天下於是時曾氏兄公亮實爲宰相當國然曾氏處里舍彌約未嘗以爲泰及其後同向同皆蚤世人以爲難處曾氏能自廣以理未嘗亂其志教養其孫至男有立女有歸元豐元年以疾終春秋七十有九曾氏以夫恩封金華縣君以公亮恩賜冠帔子同忠武軍節度推官知陳州南頓縣事向峽州硤石縣王簿固大名府軍巡判官國子監主簿同陳州宛邱縣令同蔡州新蔡縣主簿女嫁太子右贊善大夫陳臻古孫五人泌汾汶沂潢汾郊社齋郎汶試將作監主簿

曾文定公集

王氏漳浦人懷安令吳與之母也與爲令迎侍官舍日紉緯絲枲爲女工與卽廳中治亭宇植花果以娛母且固請稍暇逸母曰吾少而治之如吾兒治公事外更復讀書何間然也自與初官時卽戒以事君臨民大節令其勤公潔已移孝作忠慎勿貪躁貽父母耻辱後爲官有清譽於民皆母之力也

閩書

羅氏仙遊人世家沙縣祕書少監陳世卿妻比部員外郎儼古田縣尉侃

衛尉寺丞佩同學究出身偉殿中丞稱之母年八十三卒經紀內治能動
不懈以至於老世卿行治勞烈稱天下有施於後世其子孫蕃衍能由其
家法皆由氏善相其夫而能教子云

王臨川文集

陳氏建陽人余楚繼室楚有子四人其二人則陳氏之子陳氏之生子
三歲而楚卒余氏世大姓也氏盡其產以仁前母之子翼年十五使之四
方游學戒曰往成汝志無恤吾貧翼在外十二年以進士起家爲京師兄
母於鄉里方此時也母閉門第寡幾無以自存母子相泣間巷聚觀歎息
曰賢哉是母有子食其祿宜也

王臨川文集

吳氏崇安人胡安國母仙州居士溪門之女也幼通詩書能析大義既歸
胡克盡婦道姑徐太君老得末疾寢食鹽櫛皆待人氏侍膳問衣委身同
起居者垂十載及姑歿足屈不伸宗長欲火而葬之氏泣曰姑不得以全
體歸地下吾當與俱默禱於神以手徐摩姑足遂伸安國稍能言遣就外
傅且戒不得歸宗人曰兒稚弱少休之氏曰休正在此安國自是威奮力

學未冠遂預鄉舉迨罷歸宗人爲惋惜氏獨喜因語之曰兒學短淺急切名第必情且驕難期遠大也安國既登第復好奕氏責之曰業只一第耶安國遂禁奕終身已典教荊州以事數忤守氏曰人貴德義耳不貴以氣凌人安國遵訓飭勵得母教居多焉

道光通志

陳氏甯陽人歸徐氏子既寡且貧又早世有子銑銳鎰鐸并其二女以養之銑銳成童鐸猶在懷抱守節不嫁提攜鞠育卒能使子有立熙寧中天子策多士鐸遂爲第一而銳亦登科釋褐同歸拜母堂下鄉里咨嗟歎息後十餘年鐸爲朝奉郎銳爲奉議郎于是鐸封母壽光縣太君銳封母長壽縣太君然陳氏衣服雖敝舊猶服子以爲言曰榮養雖爾祿知所愛吝亦吾福焉元祐二年卒年七十有五卒及見孫十有二人曾孫一人鐸有學行六年博士足不數公卿之門其言動淳約尙如布衣時銳在官亦有政績云

陶山集

上官氏邵武人左中大夫上官恢女也生而靜專不妄言笑父爲擇配久

之處州戶部侍郎李陵初有聲太學以上舍擢第歸焉陵蚤孤而貧李氏之宗有不令者以其上世清平里之塋山竊售于僧寺陵義贖之祿薄無積勝貸於人氏泣曰父母資送我者以爲君家助也君松楸不自保吾安所用焉盡倒其奩以贖且以其餘增地甚廣置廬舍守之曰俾後世知自君得他人無敢預也陵以徽猷閣待制經畧廣州尋歿氏護其喪歸祔於清平之塋喪治甚備已而慨然曰吾於李氏無負矣然當教其子使得齒於士君子之林夫家無依蓋亦依吾父母乎乃又挈其子開闢居於邵武時兄弟皆早世則日侍二親退躬課諸子誦習以爲常父母年皆八十終夫人始去其親之舍築室居郡城諸子先後踵仕長奎通判明州次璧知通州三塾通判贛州皆前卒四主福建轉運司王管文字氏卒春秋八十有五封榮國太夫人

南澗甲乙稿

葉氏泰寧人祖洽孫女通同邑蕭玠生二子曰舜咨舜申早孀家貧紡績教子後二子居官廉潔所至有能聲皆其訓也葉自幼儉約子貴猶服布

素勤文正如貧時子勸止之策曰富貴而忘貧賤可乎平生無疾言遽色

卒年一百歲

入闕通志

朱氏延平人歸於楊明有爲繼室歸時明有大母猶存爲人嚴憚不妄
戲笑躬以勤儉畜子孫左右給使解有中其意者朱氏事之常得其歡心
治家事中外輯睦歲時奉祀割牲省器必親臨之未嘗委諸婦終其身不
懈生子二人二婦皆少亡諸孫幼失所恃朝夕撫養必知其燠寒疾痛綴
完緝繆悉躬爲之比其成人教以義方故諸孫卒得所恃爲成人逮諸孫
有婦猶執女功不替諸子孫或止之曰爲母而年八十亦可以已矣雖不
躬爲之其憂無人乎何自苦如是耶朱氏從容言曰爲婦而執女功乃其
常也汝何異哉且吾雖老矣使吾明衰而視昏則雖欲彊爲可得乎吾之
所以不已者第吾力之所能勝耳汝何怪耶卒年八十有二

龜山先生全集

陳氏漳州人諫議師錫之女察院黃預之妻封宜人政和間預以忤二蔡
貶知邠州宜陽縣卒邠州去漳幾萬里宜人年尙少有欲奪其志者宜人

斥之急買舟攜幼趨邠州扶欄航海而歸幾爲風濤所溺怵惚若有物救之者及歸經紀其家以義方教子後子瀾五舉免省孫樵仲杰樵相繼登科識者以爲節義之報

八閩通志

崔氏蜀郡人適龍溪黃彥臣爲繼妻知學能文初彥臣娶於陳生直閩願再娶吳生大夫碩御史願預同朝侍奉時人榮之願偶以公過禮一官氏喜之曰汝在官不戀願皇恐拜謝預與婦翁謙議陳師錫同僚氏喜曰汝當知無不言以汝婦翁爲法卒忤楚京者氏誨之也

關書

林氏莆田人鄭耕老母夫亡撫孤四耕老其孝也嘗訓諸子曰家事盡以累吾汝等一意向學無負先君之思無謂子婦人而欺子後諸子舉於鄉成名者二耕老與仲兄箕老也

道光通志

祝氏朱松妻事舅姑孝謹松卒子熹年十四辛勤撫教俾知向學熹貧病困蹇人所不堪而祝處之怡然

道光通志

呂氏建陽人生而愿慙不妄戲笑未笄失其母父希說命治家事撫弟妹

如成人勢以歸邵武饒偉生子幹甫晬而寡氏誓志秉節毅然不可奪無
何父及舅皆卒而姑氏固前沒饒家清貧諸叔妹皆幼稚氏以孀婦抱弱
子持守門戶承承賓祭和輯上下內外肅然無間言其出內用度不以一
錢自私文簿整整雖侖合分寸無所漏少或遺亡則爲之躊躇不憚者累
日指取僕妾接隣婦里嫗咸有恩意幹幼時愛之異甚捧視漱沐一不以
委他人及少長遣就學則程其術業謹其出入交遊之際未嘗輒借以顏
色幹亦孝謹敦實能自力學問見稱朋友間中淳熙二年進士第氏女第
爲劉氏婦早卒至是其子崇之與幹偕選

朱文公
文集

陳氏建陽人父安世強學博聞嘗立義齋縣南從而學者甚眾氏歸同里
周道誼爲人寬和不以家人生產爲事氏佐以勤儉訓督諸子甚嚴至待
姻黨遇鄰曲則又咸有恩意晚好浮屠法得其大指遂不復問家事惡衣
菲食逾二十年而憂人之憂賑其厄窮病苦雖極力不倦中子舉進士登
王官再逢慶恩誼得以承奉郎致仕

朱子大
全集

黃氏侯官人宣義郎致仕陳衡妻也性淳質不解世俗機事數見欺不自悔既嫁相其夫理家事甚飭躬勤儉以衣食撫教諸子甚恩故諸子皆得以自力於學仲子孔碩進士中第補婺州戶掾氏見其闕獄牘必戒曰人命至重毋使有冤聞當笞人必戒曰輕之母使重傷見其被檄考貢士必戒曰詳之母忘汝爲舉子時也初好佛書讀誦拜跪終日忘倦一旦忽屏不事曰不在是也無愧心足矣紹熙二年卒

朱子大全集

林氏長樂人幼誦諸經通大義父孔彰嘗令羣兒屬對曰亞夫爲將屯軍細柳之營衆聞筆林忽從旁代曰召伯治民聽訟甘棠之下孔彰異之旣而歸任道宗道宗以父蔭知虔州瑞金縣歿林年三十有八生計蕭然子女七人俱齠齔林自奉蔬素至奉姑必具甘旨刻苦撙節遇親戚急難則倒篋以周之諸子就學暮歸命環几而坐孤燈夜績課以誦讀率漏下三十刻乃寐風雨寒暑不渝子一鶚一龍同年登第一鶚歷知建昌軍一龍知江州彭澤縣聞士大夫之廉謹者輒悚然曰君子哉汝輩居官能如此

吾願是矣晚年諸孫就傅猶諄諄課督不憚

道光通志

黃氏永春人丞相留正嫡孫洙之婦也來歸時丞相尙無恙黃侍重闈恭謹處閨庭無間言年二十三孀居撫育子女訓以禮法禁其驕情浮靡之習綜理家事一如其夫之存子復繼天子婦梁氏亦卒教其孫務已至於成立及見其貴顯卒年八十四

八閩通志

傅氏 人朝散郎烈之女兄適徐伯嵩伯嵩以慶元進士終於邑令家資親老子幼勤力奉舅姑供賓祭治喪葬悉中禮節攜二子依舅氏從師學成乃歸人以爲難國錄黃以寧銘其墓曰立節如烈丈夫教子如嚴父師

八閩通志

楊氏 人吏部尙書炳之女弟適黃公憲公憲苦學蚤亡母老常疾病

楊氏侍奉不離側更持一喪盡哀口授孝經論語教其二子後皆知名及卒陳宓書其碑曰節婦楊氏之墓

八閩通志

鄭氏閩縣人年二十三歸監都奏進院李松奉姑甚謹未幾松亡遺二子

珏琪訓督愈嚴既而二子出仕勉以王事每見鄉民利物寬刑惠下輒喜見顏色以故二子所至俱有政聲嘉定十二年卒珏官至寶謨閣學士琪

國子司業

道光通志

宋德麟字瑞甫莆田處士黃績妻通九經及前漢書工楷法續績十有六年逮事尊章績讀書不問生計客至雞黍不戒而其子仲元八歲命賦八韻日晡未就答之其嚴如此後仲元登咸淳進士第官至福建路招捕使

司

後材大全集黃四如集附錄

林氏莆田人樞相陳文龍母宋亡文龍爲元人械繫送杭母繫杭州尼寺中病甚無醫藥左右視之泣下母曰吾與兒同死又何恨哉亦死眾歎曰有斯母宜有斯兒爲收葬之

道光通志

母儀三元

卓氏尤溪施九泰妻少有志操嫁未幾九泰卒遺腹生一子卓紡織勤劬以供衣食教其子成立至正中有司以聞詔旌表復其家

八閩通志

閩邑引文事母儀

賴道慈陳道真皆古田人道慈歸同縣張文孫生子一清十五歲而文孫
歿於疫道慈年二十九家又毀於兵守志弗渝人力撼之泣曰張氏不絕
如綫者唯此一子耳奈何去之及一清成人爲取婦廖氏生三子願與整
而廖亡繼以陳道真道真粥簪珥治財與道慈再植張門遇廖之子不翅
已出道慈晚嬰末疾手足不能用道真與媵余乙恒挾持以就虎子道慈
體肥重疲力從事逾十春秋弗厭道真生以寧年十餘日授書十三帙帙
三紙道真夜宿火至四鼓自起焚燈呼兒誦書坐其傍以俟頃刻皆能暗
記黎明命之出送至齋門乃還以寧愛書或忘食道真執匕餽之任其恣
觀不輟二十七以春秋擢泰定丁卯進士第繇國子助教入遷而爲翰林
侍講學士秩二品累贈道慈道真皆清河郡夫人云

宋文憲
全集

案以寧後仕明而官學士時尙在元其祖母母當列元代

母儀四明

陳善足建寧人幼喪母孑然能自植立不與同類游敖父某心奇之爲同

縣黃議夫妻曰族婦某氏夫以疾終善足良勸教從死不可得黃氏恒先
完無依蓋藏漸盡朝暮晷至不能給善足深憂之鵲初鳴素燭起解防
得伊軋之聲達旦不絕如是者餘五年外伯父馮翁恐其中債無策生年
雖力諭之曰爾勞勩逾節尙不濟旦暮急苟緣是致疾辟猶鵲巢雲
子無完理奈何使黃公爲餒鬼乎善足泣不對翁重言之聲色俱厲善足
不獲已再適義夫同姓曰寒潭者無子頗饒於貲乃聘經師以教義夫之
子時警斥之曰汝衣冠冑也汝父望振其門惟寐忘之令不力異日何面
目相見九泉乎凡一勸解一云爲皆痛約之以禮期有違忤面發赤如
諸子惴惴不敢前或遇節序相率詣先祠奠誦畢出坐中堂子孫以次奉
觴爲壽雖不解飲亦必使沽醉盡歡而止善足長身而壽面恒作積玉色
春秋雖高康彊無疾子曾保以易經試藝銓會中選擢合州石照丞石照
以民稀并入州改忠之節都丞孫仁舉人上南宮未試除太常齋禮郎陞
靖江王府奉祠正善足時移書戒屬曰爾等既食君祿當夙夜靡懈以效
福建列女傳 母儀

精忠慎勿以貪墨敗非惟喪身實貽先人羞卒年八十四四男子曰同壽

曰衆嘉皆天曰如滿曰普保

宋文憲全集

案禮繼父同居條夫死妻穉子幼子無大功之親與之適人所適者有繼父之道同居則服齊衰期是婦人不禁再醮重在能教養其子耳或疑陳氏不當入母儀故辯之

林淑柔浦城人歸爲同邑張伯成妻生一男二女而伯成蚤逝淑柔年甫二十餘諸孤尙幼舅姑繼沒遭元季之亂筑筑無所依遂携子女往依兄家凡十餘年躬勤織紉以教育孤幼俱底于成洪武間始還故居紹復先業年八十餘卒

八閩通志

劉順蘭人父助母徐氏順十歲通曹氏女誠及孝經父母篤愛之十六歸於楊某舅早歿諸娣姒相繼卒事姑益勤時家居子姪益眾夫以龍津舊宅狹隘乃卜居于雲際經營締構順實協成之諸子日長家頗豐裕而凡衣服飲食之事猶親任之不勸性慈厚宗族鄉黨有貧乏之必言於夫周濟